



Balm-y maam ti y kōn n lagem Wënd ne Būmb ye, la y kōn n zu, y kōn n yo

Yii a ‘Ubaadat [bn Aş-şaamit nengē (Wënd yard be a yīnga), la a seeda Badr zabrā, yē me bee zu-soben-rāmb yembre, sēn zīnd b Nabiyaam balengā raar yungā, a yeelame: Wënd Tēn-tuomā (Wënd puusg la A tūlgr be a yīng) yeelame, t'a kirengā zama n da be n yaa sahaabse: «Balm-y maam ti y kōn n lagem Wënd ne Būmb ye, la y kōn n zu, y kōn n yo, y kōn n ku y koambā, y kōn n wa ne zīri-beed koamba n yet ti yaa y sūdbā koamba, y kōn n kus manegr pugē ye, ned ning sēn wa n pidsa alkaool-kāngā, a keoor bee ne Wēnde, la ned ning sēn wa n tug n maan būmbu, ti b nams-a dūni wā pugē, rēnda yaa kaffaara ne-a, la ned ning sēn wa n tug n tum wēng ti Wënd maan-a sutra, a yellā bee ne Wēnde, A sā n tulla, t'A yaaf n bas-a, la A sā n tulla t'A sūbg-a» Ti tōnd balm-a rēnda zugu.

[Naşun Şahuhun (Gom-sikdem sēn manege)] [B zemsa taab a zugu (A Al-Buḥariy la a Muslim n reeg-a)]

A‘Ubaadat [bn Aş-şaamit (Wënd yard be a yīnga) kōo kibare, la a rag n lagema neb nins sēn seed Badr zab-kāsengā, a leb n yaa a nebā nin-bedre, neb nins sēn luɪ taoor n na n maan balemgā, ti na n sōnga Wënd Tēn-tuomā (Wënd puusg la A tūlgr be a yīng), Akaba ning sēn be Mina kugā loabrā zīigē, wakat ning Wënd Tēn-tuomā (Wënd puusg la A tūlgr be a yīnga) sēn wa n be Mak taoor t'a na n ka yi n kēng Madiina. Ti Nabiyaamā (Wënd puusg la A tūlgr be a yīng) rag n yume n zī raar a yembr ne a sahaabsā, n bao b nengē, n yeel-b ti b rik alkaool ne yē yel zugu. Rēnemā: ti b kōn n lagem Wënd ne Būmbu, ne baa fuɪ, baa ti sā n paoodē. Yiib soaba: Ti b kōn n zu ye. Tāab soaba: ti b kōn n yo. Naas soaba: ti b kōn n ku b koambā b kom-dibli wā; talem yēesg yīnga, maa b kom-pugli wā yān-zoesā yīnga. Nu soaba: ti b kōn n wa ne zīri-beed n pasdē n rogend b nao la b nus suka, bala tuomā wusg fāa gilli yaa bāmbā b yiibā la tumd ne, baa ti yīn-wil a taabā lagmame. Yoobe: ti b kōn n kus foom Nabiyaamā (Wënd puusg la A tūlgr be a yīng) manegr pugē. Rēnd ned ning sēn tablg a pugē, alkaoolā pugē n tablgē, a keorā bee ne Wēnde, la ned ning sēn wa n maana būmb ninga b sēn togsā, -zēng sēn ka lagem-n-taare- ti b sūbga dūni pugē, b maan-a n rolā yaa rēnda la a zūnuubā yaafgo, la ned ning sēn wa n maana yel-kāngā ti Wënd maan-a sutra, a yellā bee ne Wēnde, A sā n tulla t'A yaaf n bas-a, la A sā n tulla t'A sūbg-a. Ti sēn da zī-ba reeg balemgā a nengē ne woto.

النجاة الخيرية
ALNAJAT CHARITY

